

Quid continet exordium?

Exordium discernit Deum a commentitijs numinibus, qualia sunt idola Epicuri et Stoicorum. Tribuit enim Deo et voluntatem et facultatem nos exaudiendi.

Quid continet narratio?

5

Narratio petit a Deo gratias vt veteres loquuntur positiuas et priuatiuas,¹⁸¹ id est donationem bonorum et liberationem a malis.

Quae sunt gratiae positivae?

Duplices sunt positivae gratiae, aliae spirituales aliae corporales. Spirituales 10 sunt tres: I. vera agnitio Dei, id est sanctificatio nominis diuini, II. consolatio et gubernatio Spiritus sancti, quae vocatur regnum Dei, III. obedientia nostra congruens cum voluntate Dei. [96:] Gratia positiva corporalis significatur appellatione panis quotidiani.

Quae sunt gratiae priuatiua?

15

Priuatiuae gratiae sunt tres: I. remissio peccatorum, II. depulsio tyrannidis diaboli et mundi imo et carnis nostrae, III. liberatio, id est mitigatio calamitatum in hac vita et integra liberatio.

¹⁸¹ Vgl. Thomas von Aquin, *Summa theologiae* 4, I, q. 2, a. 4, quaestiuncula 3.